

CRAFTY takmičenje u izradi suvenira – Žene promoviraju BiH

Opis takmičenja

Centar za promociju civilnog društva (CPCD) u okviru projekta CRAFTY poziva obrtnice iz Hercegovačko-neretvanskog kantona i Kantona Sarajevo da dostave svoje prijave za takmičenje u izradi suvenira karakterističnih za navedena područja. Najbolji suveniri bit će predstavljeni na finalnoj konferenciji projekta CRAFTY. Cilj takmičenja jeste dati prostor obrtnicama za izlaganje svojih rukotvorina, kao i bogaćenje turističke ponude Sarajeva, Mostara i Čitluka.

Kriteriji

Suveniri koji se šalju na takmičenje moraju odražavati autentičnost prirodnih, kulturnih, historijskih i turističkih obilježja prethodno pomenutih gradova, te biti originalni, dok će svaki vid plagiranja biti diskvalificiran s takmičenja.

Ovdje spadaju sljedeći suveniri:

1. tradicionalni suveniri, odnosno predmeti upotrebno ili ukrasnog karaktera izrađeni od prirodnih materijala;
2. savremeni suveniri, odnosno predmeti upotrebno ili ukrasnog karaktera, što uključuje i odjevne predmete, nakit, rokovnike, kozmetičke proizvode i slično;
3. prehrambeni suveniri ili pića.

Napomena: kozmetički proizvodi i prehrambeni suveniri/pića moraju imati deklaraciju i biti predstavljeni u obliku suvenira, uključujući pakiranje i manju ambalažu.

Opći uslovi

CRAFTY suveniri namijenjeni su promociji geografskih područja na kojima se projekat implementira, ali i promociji ženskog poduzetništva i obrtništva. Suveniri moraju nositi obilježja područja koje predstavljaju, ali ne smiju biti uvredljivi ni po kojoj osnovi (nacionalnoj, vjerskoj, etničkoj, te ne smiju podržavati rodne stereotipe).

Takmičenje je otvoreno za sve ženske osobe starije od 18 godina, državljanke BiH, koje imaju prijavljeno prebivalište u Hercegovačko-neretvanskom kantonu ili Kantonu Sarajevo.

Rok za podnošenje prijave suvenira

Prijave su otvorene do 04.08.2022. u 23:59.

Smjernice za učešće na takmičenju

Prijave podnosite elektronskim putem na mail prijava@cpcd.ba, ispunjavanjem formulara u prilogu kao i slanjem 3 fotografije visoke rezolucije koje prikazuju suvenir iz različitih uglova. Mail je potrebno nasloviti sa „Prijava za CRAFTY takmičenje“. Nakon komisijske evaluacije pristiglih prijava, maksimalno 10 najbolje ocijenjenih suvenira objavit će se na Facebook stranici Centra za promociju civilnog društva, te će nakon toga putem Facebook glasanja biti odabrana tri najbolja suvenira koja će biti nagrađena, dok će glasanje trajati od 05.08. do 14.08.2022.

- Napraviti 3 visokokvalitetne fotografije suvenira iz različitih uglova,

- Ispuniti formu i priložiti u mail zajedno sa fotografijama, dok opis suvenira iz forme treba, između ostalog, sadržavati i podatke o korištenim materijalima i geografskom području koje predstavlja
- Dodatni kriteriji za odabir najboljih suvenira su sljedeći:
 - Usklađenost prijava sa temom *Žene promoviraju BiH*
 - Kreativnost prijava
 - Kompozicija prijava
 - Promocija održivog razvoja i rodne ravnopravnosti
 - Izbor materijala
 - Dizajn suvenira
 - Autentičnost suvenira

Nagrade

Nakon provedenog finalnog dijela izbora suvenira (Facebook glasanje), tri suvenira s najviše osvojenih glasova (reakcija) dobit će vrijedne nagrade: godišnju GOLD članarinu na Orea Bazaaru, repromaterijal u iznosu od 400 KM, te repromaterijal u iznosu od 300 KM u ovisnosti od toga kojom vrstom obrta se bave, odnosno kakve proizvode izrađuju.

Napomene

- Finalistice koje se budu koristile bilo kojim oblikom manipulacije u procesu glasanja bit će diskvalifikovane
- Učestvovanje u takmičenju nije dozvoljeno zaposlenicama CPCD-a, kao ni članicama porodica zaposlenika/ica CPCD-a;
- Prijavom na takmičenje učesnice garantiraju sljedeće:
 - da su suveniri njihovo originalno djelo,
 - da su svi lični podaci tačni,
 - da učesnica takmičenja prihvaća sva pravila navedena pozivom.